

Q U Æ S T I O M E D I C A.

An plerisque morbis chronicis Aquæ Thermales Borbonienses in Campaniâ.

Quam Deo Duce, favente Virgine Deiparâ, ac Praside Nobili, Clarissimo, Consultissimoque Domino, D. RENATO CHARLES, D. M. in Academia Bisuntina Medica Facultatis Professore Regio, nec-non Rectore Magnifico, propugnabit D. JOANNES-CLAUDIUS CALLET Bisuntinus, in publico illius Academiae Auditorio, die 26. Augusti 1716. horâ octavâ maturinâ.

AD BACCALAUREATUS LAUREAM
IN MEDICINA CONSEQUENDAM.

EX MANDATO MAGNIFICI
DOMINI, D. RECTORIS



V E S O N T I O N E.

Ex Typographia ANTONII ALIBERT, ordinarii
Regis, Universitatis Regiæ, nec-non Collegii
Typographi;

FRANCISCI-JOSEPHI DACLIN Bibliopolæ.

M. DCCXVI.





ILLUSTRISSIMO VIRO
DOMINO D. NICOLAO
DESMARETZ,
EQUITI,
MARCHIONI DE MAILLEBOIS
BLEVY, ROUVRAY ET BOURBONNE.
BARONI DE CHATEAUNEUF
IN THIMEROYE,
DOMINO DE COUVEROT, SORRE, URSEL, &c.
PUBLICÆ REI
ADMINISTRATORI,
REGIORUM ORDINUM
COMMENDATORI, &c.



*AB ET amplitudo tua. VIR ILLUSTRIS-
SIME, quod me deterreat, ne Quaestionem in Aca-
demiâ Regiâ Bisuntinâ, Medicis Doctõribus
proponendam, cum tui nominis inscriptione,
vulgare audeam; meque suppuer, fateor,
tantuli opusculi vestigium tanto patrocinio cõhonestare.
Verùm dubitanti mihi alacritatem addidit ipsamet argu-
menti propositi ratio; quod cum sit prorsus tuum, facere
non potui, ut illud tibi non offerrem. Quid enim magis*

tuum quàm Fontes Borbonienses : cui potius quàm Domino vectigal pensitare debent Thermales aquae Borbonienses ; praesertim cum illam propè omnem, quam habent in praesentia tuo nomine consecuta sint celebritatem.

Neque verò non potuerunt illam consequi sub ejus auspiciis, cujus celebrat jamdudum universa Gallia, singulari in publicis rebus solertiam : cujus semper suspexit indefessam in procurandis regni commodis operam : cujus denique miratur & in dubiis sagacitatem, & in arduis constantiam.

Patere, VIR ILLUSTRIS, ut quam Thermae Borbonienses ab illis publicis tui nominis laudibus accipiant claritatem, hanc ego litterariis hisce meis lucubrationibus conciliem. Quod umbram patrocinii tui quaram, facit non illa solum affabilitas quae bonarum Artium Patronus ac Parens audire non omnino renuit ; verum etiam blanda quadam sed digna generosis animis popularitas, quae jam dudum etiam in medio Regiae administrationis aestu non dubitasti, curas tuas etiam in Thermas Borbonienses ad earum cultum, ornatumque derivare : sicque benignam salutis venam aegris mortalibus in tuo illo Bobonio reconditam, digito quasi intento monstrare, aperire, recludere : conscius tulliana hujus sententia, proceres nulla re propius ad Deos immortales accedere quàm si quantum inter homines autoritate possunt, tantumdem eorum causam humanitate velint.

Hoc ego de te dictum si putem, VIR ILLUSTRIS, nemo est qui dissentiat, si minus bellè dictis exornem, nemo est qui non ignoret mea tenuitati ; nemo qui non laudandam putet propensissimam illam voluntatem quam uti revera sum, sic haberi velim.

Tibi addictus imprimis
ac devotus,

J. CLAUDIUS CAULET.



QUÆSTIO MEDICA.

An plerisque morbis chronicis Aqua Thermales Borbonienses in Campaniâ.

I.



MISERANDA prorsus hominis conditio ! Ejus interdum ortui tam citò succedit occasus , ut cum propè nascitur , tum incipiat mori : Si cui verò diuturna lucis usura conceditur , hunc tot committi periculis , tot conflictari morbis evenit ; ut hominis conservatio haud minus stupendum sit prodigium , quàm ejusdem creatio. Quis varia morborum quibus vita labefactatur , genera recenseat ? Illorum motum vel durationem attendis ? præcipuam eorum habes differentiam. Sunt enim omnes affectus , aut breves seu acuti , aut longi seu chronici : Acuti , cum laxis , ut ita dicam , habenis ad terminum nos impellunt , divinæ particulam auræ velocius acerbiusque perturbant , roridamque corporis substantiam citius avidiusque depascunt. Chronici verò , testudineo quasi gradu suum percurrentes stadium , suo corpus genio sensim defraudantes , animalem œconomiam funditus evertentes , viribus tandem paulatim absumptis , lethales inferunt noxas. Miraris fortè infirmam hominis valetudinem ? mirari desines ; ubi , quæ vitam fovent , iisdem

illam destrui reputabis. Miraris caducam corporis structuram? quin potius miraris assiduam Dei quasi nautæ regentis opem, quâ fit ut in procelloso illo morborum æquore, ratis usque adeo fragilis tandiù durare possit. Quidquid sit, organica corporis humani fabrica ritè perspecta in morbosarum cognitionem causarum quasi manu te deducet.

Corpus humanum dixeris esse mirum quoddam automa, ex solidis & fluidis partibus conflatum, quarum ministerio mechanicè suas obit functiones. Divini illius automatis speciem dum consideras extimam, scita & ordinata variorum compages organorum apparet: si verò intimam perscrutaris; quid aliud est, quàm tubus quidam in varia complicatus viscera, in diversos divisus tubulos, qui deinde in ramulos luxuriantur ac diffunduntur innumeros? Oculis microscopio prius armatis (vasorum enim exilitas linceorum etiam oculorum aciem effugit) mirabilem hanc compagem intueri: Ecce tibi sese objicient in hepate glandulæ, ductus, vasaque plurima: in liene infinitæ cellulæ: in renibus substantia instar cribri, crebris foraminibus pertusa: in pulmonibus innumeri tum canaliculi, tum vesiculæ: in cerebro sinus, dædali, anfractus, meandri: in reliquis denique partibus, tot tamque diversæ vasorum ramificationes, ut in singulis propè attentus hæreas; hic arteriolas, illic venulas efformant; hic globulos, illic glomeramina; hic vascula alia benè multa capillos parvitate, figurâ, numero imitantur. Jam quæ illis in partibus continetur substantia? non alia quàm fluida, sed quæ perenni ac certo constantique motu suum absolvit aut debet absolvere circulum, ut ritè

functiones obeantur, ut debite secretiones perficiantur, ut uno verbo sanitas incolumis servetur. Quanta igitur in fluidis exigitur subtilitas! At quam æqualis solida inter & fluida debet esse proportio! Quam justum inter ea æquilibrium! ut sit liber liquidorum circuitus: quæ omnia, cum possint temporis puncto depravari, quam inopinæ, Deus immortalis! quam subitæ, quam frequentes morborum causæ! Denegatâ liquidum fluidis subtilitate, ac sublato solidorum fluidorumque æquilibrium, sanguis tunc stagnat in vasis, cœnoso flumini haud absimilis obices sibi ipsi objicit, & inspissatus impedito per partium meandros ejus circulo, in vasculis & viscerum poris stabulatur & putrescit; nam

Cito putrescunt, ni moveantur aquæ
ac proinde secretionum tarditas, imò & obstructions in vasculis, in glandulis concretiones, in visceribus tumores, abscessus scirrhi & chronicorum ilias affectuum.

Diversas chronicorum morborum causas referri compertum est. Qui frigida intemperiei cum Galenicis, imminutæ fermentationi cum Villisianis, fibrarum laxitati cum Baglivianis illas adscribunt, hi diversa quidem adhibent vocabula, at rem unam eandemque concipiunt. Diversitas opinionum tota est à diversitate principiorum. Qui solidas tantummodò vel fluidas partes velut morborum effectrices incusant, alterutri principio nimis imponunt; in utriusque vitio morbus consistere potest; solidorum morbosâ causa dicitur esse tensio & laxitas, fluidorum autem dissolutio & concretio; illam acutos, hanc chronicos creare morbos nonnullorum mens est. Quemadmodum verò unica causa

varios effectus, ita massæ sanguineæ concretio varios etiam producere solet affectus; à concretionem quidem præcipua chronicorum materies morborum, quorum sanè non eadem species, non eadem diuturnitas. Alii quidem contumaces vulgaribus remediis cedere nesciunt, tardi verò alii non solum ad integros menses, sed ad plures eosque solidos annos protrahuntur: adeò ut Ægri sic divexati, mortem potiùs quàm talem vitam lubentiùs expetant. Hinc juges ac continuæ adversùs Medicos querelæ. Hinc inexplabilis remediorum sitis, quorum vis in hisce morbis ita efficta ac inefficax est, ut pharmaceuticum potiùs exhaurias fontem, quàm eorum languores valeas mitigare. Quò te igitur convertes? ad Thermas, in quibus velut in salutari piscinâ miseris mortalibus Deus optimus maximus præsentissimum parasse videtur remedium.

II.

NEQVE verò ad thermas reperiendas aut trajicienda sunt nobis maria, aut longinquæ regiones percurrendæ. Gallia ipsa thermas offert circiter quinquaginta; ut enim cæteris propè Regnis omnibus una eademque pretiosissimis naturæ donis: ita thermarum frequentia & virtute est longè superior. Singulis sua laus est, nec de ullâ quidquam detrahi absque veritatis injuriâ potest. Hoc in numero sunt Borbonienses in Campaniâ, Borbonienses tum Arcembaldicæ, tum Anselmenses, Vichienses, Montis aurei, Bellicucanæ, Barregienses, Bagnerenses, Dinanenses, Luxovienses, &c. Thermarum autem illarum si quis est prudens æstimator, cæteris omnibus illis quas exhibet Borbonium in Cam-

paniâ longè præferet, non eò solum quòd Æg-
 rum concursu frequententur, sed quòd etiam
 virtutum mirabili congerie nobilitentur. Borbo-
 niensem fontem potius exhauries potando, quàm
 virtutes ejus numerando recenseas. Vis alvum
 eiere? benignum suppeditabunt catharticum:
 Cupis urinas movere? innocuum præbent
 diureticum: Sudores elicere conaris? blandum
 exhibebunt diaphoreticum: Viscerum obstru-
 ctiones referare, penitiores eorum recessus pan-
 dere, concreta in ipsis impacta subigere suscipis?
 secu u n tibi largient ecphracticum. Tanta est
 in aquis istis thermalibus, vel ad potum solum,
 nedum ad balneationem adhibitis, virtutum
 multiplicitas! tam præstò est in illis simpliciter
 epotis remedium! Et illud quidem gustui haud
 ingratum, placidum effectu, exitu felicissimum.
 Quòd si tetra illa fœdâque quibus interdum cor-
 pus conspurcatur vitia corrigere intendis; si mo-
 tum sensumque partibus lentâ torpentibus igna-
 viâ conciliare satagis; si tumores frigidos, perti-
 naces, compactos resolvere, debilitatos artus
 confortare, contractos restituere; si vis promo-
 vere transpirationem, quâ impeditâ tot oriuntur
 affectus; hæc omnia balneatio & accommodata
 parti malè affectæ, Borboniensium aquarum irri-
 gatio feliciter expediet.

Locum salubribus illis aquis tam felicem si
 fortè in antecessum cognoscere cupis; finge tibi
 Oppidum in austrino Campaniæ tractu Sequanis
 contermino. Hic molli clivo collis astringit; hic
 facilem sinum duplex aperit vallis; colli quidem
 antiquum insidet Castrum, simulque in eo caput
 attollit Oppidum, quod subjectam utramque
 vallem sinu suo occupat. Præterquàm quòd

horto duplici eoque amœno instructum est; viti-
 feris collibus, viridantibus pratis agrisque pin-
 guibus undique cingitur. Dixervis naturam ipsam
 cum Ægris remedium paravit, iisdem abundè
 providere voluisse necessarium ad miscenda col-
 loquia, ad levandum fastidium, ad fallendum
 tempus præsidium. Cæterum à Romanis frequen-
 tatum fuisse Borbonium, suadent tum varia monu-
 menta, inscriptiones, numismata antiqua passim
 efflosa tellure, obvia: tum balneorum usus Ro-
 manis familiarissimus, quos sanè aquarum illa-
 rum virtutē atque præstantiā ad balneas (sic
 enim olim thermæ vocabantur) ibidem con-
 struendas incitatos esse, facilis est conjectura.
 Quod neglectæ fuerint aliquandiū thermæ Bor-
 bonienses, fecit non tam tempus edax rerum,
 vel invidiosa vetustas, quàm bellorum illa cala-
 mitas quā sæpius vastatum est Oppidum Borbo-
 niense, feliciori sorte dignum! Verum ubi cœ-
 pit à bellicis calamitatibus respirare, illustrissimi
 Viri quem dynastam nunc agnoscit munificentia,
 cœpit quoque restitui, ornari, rebus ad vitæ usum
 & commoda necessariis locupletari: & ita quidem,
 ut quotannis ejus thermæ innumero propè jam
 Ægrorum concursu celebrentur, quorum infinita
 remedia, & alias etiam thermas expertorum,
 omnium vox una est, ad mortalium salutem na-
 turam nullibi felicius quàm Borbonii cum arte
 conspirasse. Quàm temperato, quàm vitali aëre
 dedit illa Borboniensibus gaudere! Argumento
 sit illud luculento, quod pueri prope thermas
 degentes variolis & tabe rariùs afficiantur: Quis
 verò id aliteri causæ quàm sulphureis thermarum
 vaporibus adscribi posse putet? Scitum enim est
 grassantibus olim in Græciâ contagiosis morbis,

Hypocratis jussu sulphureos accendi fuisse solitos ignes, quibus à contagio divinus Senex populares suos præcavebat: Sed his omissis ad Fontem jam accedamus.

In parte Oppidi occidentali visuntur Thermae, in quibus scaturiunt felices illi aquae salutiferae rivi, quorum primarius fontis nomine per antonomasiam insignitur. Hic natura remedium dives medicatas aquas pleno suppeditat alveo; unde aquae omnes tum ad potationem, tum ad balnea in aedibus privatis conficienda translatae hauriuntur, tamque copiose, ut singulis diebus dolia repleri possint facile ducenta; nec tamen fons ullatenus exarescit. Alveus ejus quatuor pedes & latus, & longus, & profundus est. Aestus aquae tantus, ut vix ac ne vix quidem manus aquis immissa calorem ferre possit: idemque ovis sit par concoquendis. Quid igitur? aquae deglutitae palatum ac linguam comburent? minime verò; ea est enim tum materiae partiumque in quarum motu calor situs est tenuitas, tum aeris ambientis subtilitas, ut quo temporis puncto hauriuntur aquae, calor propè ab illis avolet, & frigus aquae nativum sensim redeat. Adde quod aquae istae cum sint salinae, vim penetrandi maximam habent, adeoque salivae copiam eliciunt quae calor aquae temperatur. Porro licet in ipso fonte sit calidior aqua, gustui tamen minus ingrata accidit, quam dum nativo frigori restituta est: unde valet hic illud Poetae:

Dulcius ex ipso fonte bibuntur aqua.

Fonti de quo haec tenus, viciniore sunt balneae suis distinctae nominibus. Statim autem occurrit illud quod balneum Pauperum appellari placuit à frequentia Aegrorum, qui ut valetudine,

ita rebus omnibus destituti huc quasi ad piscinam confugiunt, Manci, Claudii, Paralytici, Scabiosi, Ulcerosi, verum prorsus ac luculentum humanæ miseriæ specimen! Non procul à balneo Pauperum exhibet se balneum alterum, quod Dynastæ nomen habet, quia ut ejus olim constructum sumptibus, ita ejusdem usibus erat destinatum. Hoc est isti balneo peculiare, quod aquæ frigidaë rivulum habeat temperando medicatæ aquæ calori peridoneum. Geminò illi balneo adjungendum est tertium utroque temperatius, quod quidem scaturiginibus sibi propriis gaudet non secus ac Pauperum balneum, Patrium nuncupatur à Galliarum Proconsule, qui sive nomine tantum, sive stirpe Patritius esset, nomen dedit balneo cujus aquis illud se debere credebat, quod amantissima Conjux pulchrâ & numerosâ prole fecisset eum parentem.

Verum cum naturam arte perfici deceat, adeo non fuere neglecta munera naturæ tam pretiosa, ut è contrâ postremis hisce temporibus curâ peculiari exulta sint. Itaque 1^o. balnea singula, in delicatioris sexûs gratiam pudorisque præsidium, suis distincta & separata sunt intervallis, 2^o. Admotæ singulis duæ tresve scalæ, quæ facilem præbeant in balnea descensum, ut possit vel totum corpus, vel aliqua pars corporis immergi pro morbi ratione. 3^o. Suspensa sunt in singulis labella, aquis per tubulum ministrandis idonea; ita ut in partem affectam deciduæ exhibeant illam irrigandi methodum quæ *Duccia* vulgò nuncupatur. 4^o. Ne quid in Borboniensibus thermis ad Ægrorum solatium desiderari videretur, procurata sunt ibidem laconica bal-

nea duo, seu thermulæ sudatoriæ: Priores sunt vicinæ fonti primario, posteriores anno proximè superiori juxta balneum Patritium sunt extructæ. 5°. Præterquàm quòd ad munditiem exhauriuntur identidem balneæ singulæ; Canales idonei sunt certo ordine dispositi per quos simul in unum collectæ thermales omnes aquæ defluunt in rivum, avibus & columbis potum suum falsugine exquisitum præbituræ.

III.

QUÆNAM sit continui illius qui in Boniensibus thermis, observatur æstûs causa, quæstio est, quæ Philosophorum ac Medicorum supra quàm dici potest exercuit, ne dicam torisit ingenia. Cùm verò stupendi hujusce phænomeni causam sive Deus, sive natura parens sacro tegere voluerit involucro; Quis, quæso, naturæ intûs latitantis claustra pandere? quis ejus mysteria revelare audeat? Absit, ut dedaleam hanc ingrediamur labyrinthum, unde ne filum quidem Ariadnes ipsum nos expediat. Sed hæc de re quid Authores sentiant, quid pronuncient, sciscitaris? Authores consule. Sunt qui calorem thermarum ab antiperistasi repetunt; verùm è foro & physico, & medico jamdudùm merito jure explosa fuit antiperistasis, obscurum enim per obscurius explicat.

Alii lapidi calcario subterraneum æstum attribuant, cujus moleculæ quædam ab aquis interfluentibus solutæ, calorem ipsis concilient, quod in calce vivâ, dum aquis solvitur, observare est. Verùm præterquàm quòd calcarii lapides gratis supponuntur, si omnis aqua hocce pacto calefieret, corrosivam seu causticam vim

sibi vindicaret, quod experientiæ refragatur.

Contendunt alii Solis radios, cum intimiores terræ recessus penetrant, aquæ in iis contentæ calorem impertiri; quasi verò solaris calor, qui vix (mole terræ spectatâ) superficiem ejus perstringit, intima telluris penetralia sinûmque possit pervadere: Cur autem in regionibus illis quæ Sole fervido jugiter sunt torridæ, cur fontes frigidi bene multi, cur non omnes calidi scaturiant? si vera est hujusmodi opinio.

Sunt etiam qui soli aquearum partium motui calorem aquæ deberi existimant; quæ opinio ut aliquam apud nos inveniat fidem, in fluminibus, in fluviis, in torrentibus, in rivis suas aquas paulò velocius impellentibus calor semper ex sensibus deberet observari.

Nec desunt qui arbitrantur calidas quasdam exhalationes in profundis terræ cavernis interclusas, suum aquis per ea loca decurrentibus calorem communicare. Rectè quidem si calidi halitus adsint magnâ satis copiâ qui tantum tamque continuum calorem efficere possint: At verò quis hoc sibi persuadeat? quis præterea tales absque igne sive halitus, sive vapores calidos concipiat.

Recentioribus multis displicuit illa veterum philosophandi ratio: nec immeritò; aliam igitur inire viam, aliam sumpsere philosophandi rationem; ingeniosam sanè, utinam & æquè veram: at si errant, ingeniosè errant. Repetunt thermarum æstum à salibus diversæ indolis, qui quidem in terrâ latentes, primùm ab aqueis partibus dissolvuntur (sales enim non agunt nisi dissoluti) tum simul cum aliis principiis permiscantur, ac demùm permixti, fermentationem adeoque calorem inducunt. Conjecturam hanc

illi vel ducunt, vel ductam confirmant experimento multiplici, ac præsertim hoc gemino. Unum est per affusionem salis tartari cum spiritu vitrioli subitam producentis effervescentiam. Alterum quo majorem veritatis similitudinem opinioni suæ conciliari credunt, fit per commixtionem limaturæ Martis, id est ferri cum sale communi ex sulphure pulverisato, æquali quantitate; quæ quidem in terram defossa, vel in vase obturato posita post aliquot horas intumescunt, vel notabilem certè concipiunt calorem.

Nuper Borbonii rem expertus est clarissimus Vir, idemque in rebus physicis non minùs quàm in mathematicis apprime versatus. Hoc experimento Borbonienium aquarum calorem explicandum suscepit, ratus videlicet aquas thermales omnes partibus salinis sulphureis & ferreis esse refertas & imprægnatas, proindeque perpetuò fermentescere, propter continuum illum jugemque fomitem, quo cum aquis permixto, mineralium moleculæ dissolvuntur, ac dissolutæ, aquas per fermentationem calefaciunt. Veritatis aliquam speciem hac opinione præferri non difficilior: at quantumvis ingeniosè exposita, plurimas & quidem gravissimas patitur difficultates. Si de thermarum calore ita esset philosophandum, nullæ profectò deberent esse thermæ quarum aquæ non sint & sale, & sulphure, & ferro imprægnatæ. Atqui hoc ex aquarum analysi minimè constat. Exemplo sint aquæ Borbonienses quæ nihil ferri continent, ut docet tum ipsa illarum analysis, tum observatio multiplex in hunc modum facta: Frondes quernæ recens ramis avulsæ, si in aquam mineralem mittantur, neque ferreis ato-

*Mr.
Gautier
Inspe-
cteur des
grands
Che-
mins,
Ponts,
&
Chaus-
sées du
Royaume.*

mis obducuntur, neque nigrescunt, item aquæ prædictæ gallarum infusione ferrugineum non induunt colorem, neque caro iisdem incocta simili colore tingi videtur. Præterea sales ex aquis Borboniensibuseducti, nullam magneti aut cultro ad magnetem affricto præbent ansam ferreas attrahendi moleculas: Denique dejectiones thermopotantium colore nigro nullatenus tinctæ observantur. Ex his omnibus non dari mineram Martis in hisce aquis luculenter colligimus. Quod spectat ad principia salina & sulphurea quibus innititur hæc opinio, certò certius est dari thermas in quibus ne micam quidem salis aut sulphuris reperiatis. Tales sunt thermæ Favarienses apud Helvetos celeberrimæ. Adde quòd thermæ calidiores suppositis ut fieri solet, ad calorem principiiis, aquas his magis imprægnatas offerre deberent, quod qui dixerit repugnabit experientiæ; namque thermæ Nerienses in agro Borbonio totius Galliæ calidissimæ sunt, & tamen sal vix suppeditant; Atque his de causis sententia ista licet nobis statim arriserit, minùs tamen veritatis habere videtur; aliò igitur rationis proram vertamus.

Cùm solaris calor intimos terræ sinus ac recessus nequeat penetrare, sapientissimo divinæ providentiæ consilio factum est, ut in ipsis terræ visceribus ignis quasi sol quidam subterraneus, tum ad mineralium metallorumve generationem, tum ad thermarum productionem collocaretur. Hunc agnovit erudita antiquitas, cujus sensum secuti sunt Plato, Aristoteles, Plinius, quibus Authoribus accessere Poëtæ, ne dicam Philosophi, Lucretius atque imprimis Manilius, qui tam bellè hanc in rem cecinit.

*Sunt autem cunctis permixti partibus ignes ,
 Qui gravidas habitant fabricantes fulmina
 nubes ,
 Et penetrant terras , atque minantur
 olympo ,*

Et calidas reddunt ipsis in fontibus undas.

Itaque subterraneus ignis per varios terræ meatus diffunditur, ita quidem ut sub sensum etiam cadat certis quibusdam in locis, montesque illos reddat ignivomos, qui in vicinos circum agros & pagos incendia spargunt: at non omnis evolat ignis ille, magna quippè ejus pars in terræ sinu continetur, calorem thermis communicans. Habet meo quidem judicio hæc sententia plus simplicitatis, imò & minus patitur difficultatis. Scio quid objici possit, nempe Vesuvium ideò ignes evomere, quia sulphure abundat: at quæso, quare minere omnes sulphureæ non æstuant? Æstuant, inquires, si cætera adessent, putà sal & ferrum; atqui multæ reperiuntur sulphuris minere juxta quas nec salis, nec ferri copia desit.

Imò nec irrigua queis desint munera lymphæ:
 & tamen nullum caloris vestigium ibi deprehendes.

Neque valet etiam quod opponunt nonnulli, ignem in tellure defossâ ubi vis non reperiri: esto sit ita sanè; neque enim ubique necessarius: Si ubique reperiretur, ubique æstuant aquæ, ubique forent thermæ. Thermalibus enim aquis calor aliunde quàm ab igne subterraneo juxta hanc sententiam conciliari non potest. Quòd si thermarum æstus principiis quæ supponuntur, esset tribuendus, necesse esset omnes thermales aquas iisdem donari virtutibus, quod nemo dixerit; thermarum enim virtus à diversâ mix-

tionē & combinationē salis, sulphuris, &c. At
verò calor cum sit ejusdem naturæ, nonnisi ab
igne potest proficisci.

I V.

NATURAM varietatē gaudere, commune
est axioma, nullibi verò grata illa parentis
quasi in sinu cum suâ sobole colludentis varietas
magis elucescit, quàm in aquis è terrâ scaturien-
tibus. Mirum! quanta sit fontium diversitas,
alii frigidi, tepidi alii vel calidi profiliunt; odo-
re, sapore, colore, virtute quàm sunt inter se
discrepantes. Videlicet aquæ dum per intimos
telluris anfractus serpere laborant, tam variis
terræ glebis, tam diversis salium, sulphurum,
bituminum, mineralium, metallorum, lapidum,
succorum sive fluidorum, sive concretorum spe-
ciebus miscentur, ut ejusmodi corporum mole-
culas abradendo, particulas dissolvendo, tinctu-
ram eliciendo, eorum principiis imprægnari ne-
cesse sit. Hinc nulla prorsus aqua mixturæ ex-
pers, ita ut simplex dicenda sit in quâ mixtura
sensu non percipitur, composita verò in quâ
mixtura sensibus est obvia. Jam verò composita
vel est salubris sive medicata, vel insalubris sive
venenosa. Inter aquas medicatas recensendæ sunt
illæ quæ gaudent principiis, corpus alterare, & a
statu violento aut præternaturali ad naturalem re-
ducere natis. Talis est aqua sulphurea, bitumi-
nosa, salina, nitrosa, &c. Inter venenosas
adscribuntur illæ quæ in suis principiis qualita-
tem habent vitæ prorsus repugnantem; talis est
aqua arsenico, antimonio, mercurio, calce,
gypso, succo petrifico, vel quâvis aliâ deleteriâ
vi infectâ. Aquarum mixturam & proinde natu-

ram nosse desideras ? arduum opus ; sensuum ministerio ignisque auxilio id assequi contendis ? at sensus sunt fallaces, imò & sæpè fallunt : ignis verò corporum texturam ita potens est immutare, ut ambigi meritò possit utrum corpora, ignis torturâ elicitâ eadem sint ac erant antea in mixto. Quo fit ut difficile sit omninò de principiis ex quibus aquæ constant, certam ac firmam capere conjecturam : Quoniam tamen vix aliter quàm sensuum aut ignis ope, certum de aquarum proprietatibus habetur criterium : quæ sunt à nobis geminâ illâ ratione circa Borbonienses aquas observata, paucis accipe.

Ac 1^o quidem dum sensus consulimus, duplex hisce in aquis deprehenditur substantia, salina nempe & sulphurea. Aquas ori admove, senties tibi linguam sale vellicari : in marginem fontis oculos tantùm conjice, crystallis quibusdam salinis micare tibi videbitur : hydrias aquis hisce plenas inspice, cernes in iis salem niveum undique in earum superficie efflorescentem.

Sulphuris verò in aquis istis contenti, tum thermarum sulphureus odor, tum versicolor illarum aquarum superficies caudæ pavonis æmula, tum denique luti pullascens color nec-non injucunda mephitis, probatæ fidei testes sunt.

Age 2^o rejecto sensuum testimonio, Borbonienses aquas Vulcani laboribus subjice. Quâvis demùm ratione placuerit, distillatione, coctione, evaporatione, parum interest ; aliud elicies nihil quàm sal fixum instar salis communis seu marini, & eâ quantitate ut libra aquæ una, unam salis dragmam datura sit ; cui etiam terræ sabulosæ grana quatuor aut quinque sociata reperiēs. Unde tanta salis ex hisce aquis educti copia ? nisi

ab inexhausto gemmeo sale per interfluentes
 aquas dissoluto, tot in locis reperiendo, velut
 in salinorum fontium minerâ. Salinas fodinas
 singulis annis novo sale repleri probavit cu-
 riosus subterranei mundi indagator Kircher.
 Salis verò hujuscemodi naturam si quæris,
 hæc erunt observata facilia, nullam ab alkali
 quovis vel acido subit mutationem. Cum sirupo
 violaceo sal istud mixtum colorem ejus non al-
 terat, non modò non coagulat lac, sed etiam
 coagulatum tantisper dissolvit. Misce Borbo-
 nienses aquas cum aquâ communi, in quâ sal
 quoque commune dissolvitur, illæ neque tur-
 bidæ fient, neque lacteæ, neque amaræ, quod
 tamen plerisque contingit aquis nitratis: quidam
 fortè nitro illas imbutas esse credent, credant per
 me licet, imò & aliis mineralibus metallisve gra-
 vidas, sed non ego credulus illis: Qui sulphur
 in his aquis contentum extricare cupit, hic
 oleum & operam perdet; valeat in multis aliis
 ars chimica, at frustra desudabit tota Chimico-
 rum industria in sulphure hujusmodi educendo.
 Auras prius & ventum utribus æolo illo Vulcani
 cui serviunt ministro, quam spiritum hunc sul-
 phureum (adeò volatilis est) aut intercipient,
 aut retinebunt; sed quod arti negatum, id na-
 turæ concessum est: quippe quæ sulphur illud
 exhibet velut fixum in aquarum limo ac luto,
 in quo scilicet deprehenditur bitumen, cujus vi
 argentum in eo immersum colore nigro infectum
 educitur. Quod superest, habet id cum sale
 marino vel fontano, quo alimenta condiuntur,
 hanc habet prærogativam sal thermale Borbo-
 niense, ut corpori nullam inferant noxam, &
 acrimonia ejus quæ in cæteris salibus separari
 nequit

nequit, egregiè fit temperata, tam felici sal istud cum sulphure jungitur connubio! Denique utriusque scilicet salis & sulphuris tam justâ proportionem facta est in aquis thermalibus, ope naturæ, commixtio, ut id assequi ars valeat nulla, plusque profutura sit vel una naturalibus hisce aquis situla, quàm plèna artificialibus dolia sexcenta. Itaque ut omnium serè remediorum, ita & Borboniensium aquarum actio omnis à sulphure volatili & sale, atque hoc adeò verum est, ut si volatiles salis partes fuerint dissipatæ, nulla sit propè jam virtus his aquis superstes: unde translatis aquis quantula sit fides adhibenda, tu videris; si tamen hæ, translata licèt, omnino non sunt effctæ, si quam adhuc purgandi vim retinent, hanc sali fixo, quod ipsis adhuc inest, referant acceptum necesse est.

Quis vero jam satis explicare possit mirabilem illam quâ Borbonienses aquæ agunt in corpus rationem? ut multiplex est eas adhibendi modus, ita multiplex illarum operatio. Vis incipere ab illarum potu? Quod potantibus medicamenta quælibet, id thermopotantibus accidet; nempe ut aquæ medicatæ vim primùm suam exerant in stomachum, nimirùm salibus & sulphuribus quibus turgent, crassos viscidos, tenaces humores in stomacho contentos incidunt, attenuant, detergunt, superfluos evacuant, ventriculi fibras lentis imbutas succis extricant, & in pristinum restituunt tonum: atque ita pravæ medendo chilosi, plerisque medentur morbis chronicis, quorum maximam partem in primæ cœctionis vitium refundendam esse unanimes est Medicorum consensus. Neque verò hic sistit aquarum epotarum operatio, siquidem illæ par-

tim blandâ irritatione , partim peristaltici motûs ope , partim eâ quâ potantur copiâ , è ventriculo in intestina decidunt , idem illis ac stomacho beneficium præstituræ. Quid tum ? excretorios succi pancreatici biliosque ductus recludunt , referatis venarum lactearum orificiis , facilem in eas chylo præbent aditum , bilem præcipitant , mesenterii obstructions tollunt , tandemque penetrato chyli receptaculo ac superato canali thoracico , sanguini permiscuntur : sanguini autem permixtæ quid non moliuntur ? Parum est quòd circulum ejus promoveant , nisi fluiditatem etiam illi concilient , si fortè crassior sit & viscidus. Parum quòd serum redundans amendant in renes , nisi vitiosos etiam humores evacuent , nisi penitiores corporis recessus pervadant. At verò ad supremam humani corporis arcem , quâ demùm viâ ascendunt ? circulatione , cujus ope corticales glandulas viscidis impeditas & obturatas succis expediunt , cerebrum & nervos ab infarctu liberant , spirituum animalium transco- lationem & distributionem reddunt faciliorem , tubulos nerveos subsidentes aperiunt. Adeò verum est thermale aquas varietate operationum variis cerebri affectibus mirum in modum prodesse ! Quòd eadem circulationis viâ prosint quoque cæteris partibus , patet inductione solâ. Uterum à serosâ colluvie expurgant , ejusque tollunt obstructions , menses provocant , hepar , lien & alia viscera eluunt. Quid plura ? nihil in corpore humano intactum relinquunt ; & quasi si genius aliquis illis assisteret ad virtutem earum dirigendam , ita suam attemperant actionem , ut quæ tria solent observari circa morbos tempora , initium videlicet , medium & finis :

ea sedulò videantur ab ipsis medicatis aquis in agendo retineri ; quippè primis diebus sordes eluendo per secessum , mediis serum discernendo per urinas , postremis sanguinem blandè agitando per sudores agunt. Hactenus de thermalium aquarum potu.

Vis jam balneationem sive corporis in aquas immersionem speculari ? modus quidem aquis illis utendi alter & dissimilis est , ratio tamen operandi eadem aut propè similis est ; via diversa , sed si rectè ineatur , terminus idem est sanitas. Cum enim aqua thermalis intestino motu gaudeat , partibusque constet teretibus & flexibilibus , præter ejus calorem , sales & sulphura quibus turget , cutis lotæ texturam laxat , fibras mollit , poros subit , dissolvit humores , transpirationis vias occludentes , viscidos succos diluit , apertisque vasorum ostiolis sanguini illabitur , quo duce , quo vectore per singulas corporis partes diffunditur , suum singulis salubri aspergine pensitat vectigal ; nec prius in iis operari desistit , quàm opem illis amicam præstiterit , totamque suam (nisi fortè quid inter lavandum peccatur) corpori benè loto perinde atque benè poto virtutem dederit experiendam.

Quòd si tantum sit præsidii à solâ balneatione ; quid non est ab irrigatione ipsâ sperandum ? Thermalis enim aqua non jam suâ solum vi , sed sæpè cadendo affert nescio quid vividius in partem affectam decidua , quod & illam penetrat magis , & impactos humores certius feliciusque resolvit. Summum tamen credenefas irrigare caput ; hoc enim qui voluerit experiri , temeritatis suæ pœnas luet. Idem esto de medio & infimo ventris judicium , atque de

capite. Verendum enim est ne humores hisce partibus irrigatis nimium liquefacti irruant in nobiliora viscera, eaque graviter afficiant. Tutius igitur scapulas, humeros, brachia, manus, ischium, femora, crura & pedes deciduis & irriguis aquis subicies.

Neque verò prætereundum est lutum quod in aquis Borboniensibus reperies. Fuit illud tempus quo thermalium aquarum virtus minus cognita erat, solumque Ægris quærebatur (ut Gallica vox sonat) à bonitate luti hujusce, remedium. Partibus enim affectis impositum & applicatum prodest: siquidem bitumen & sal sulphureum in eo limo contentum (quod etiam faciunt pleraque alia bitumina & sulphura) concretos humores resolvit ac discutit, partesque relaxatas stringit, debilitatas corroborat.

At enim quæret quispiam, num aliquis in aquarum usu servandus sit ordo? an qualibet anni tempestas illis conveniat? quænam desideretur præparatio, &c. Ex sequentibus accipe. 1°. Thermis non est promiscuè utendum, sed retinendus est ordo ille, ut potatio primas, balneatio secundas, irrigatio tertiâs obtineat: hisque tandem omnibus luti (siquidem necessaria videatur) impositio & applicatio succedat. 2°. Nullâ tempestate tutius ac salubrius præscribitur Thermarum usus, quàm sub verni atque æstivi temporis finem. 3°. Thermæ non sunt adhibendæ nisi corpore bellè prius parato: quare venæ sectio, idque cum plethora vel natura morbi postulat, est interdum præmittenda, semper autem ipsa purgatio, de quâ hoc pronunciatum sit: Purgationi ut initium, ita & finem debet, quisquis aquarum usum benè sibi vertere

peroptat ; imò etiam die post aquas adhibitas circiter decimo quinto repetenda est purgatio , eà maximè de causà , quòd toto illo fermè temporis spatio aquæ thermales in massam sanguineam adhuc agentes præstent aliquam dissolutionem cathartico eliminandam , ne humores dissoluti nobiles in partes ferantur. 4^o. Certa vivendi agendique ratio in aquarum usu est observanda , à quâ ne latum quidem unguem Ægròs discedere citra periculum non posse sapienter pronunciant medicinæ Antistites. Leges autem has illis posuerunt sic : Thermopotantes & fomnum meridianum & animi pathemata fugiunt : Aërem frigidum auramque serotinam diligenter vitant : Fructibus , nisi fortè saccharo conditis , crudis saltem ne vescantur : Ab eduliis salis & piperatis abstinento : Vino aquà diluto utuntur : Sobriè & parcè cœnant : Paulò lautius prandent. 5^o. Thermæ inconsultis Medicis non sunt adeundæ , quorum est præscribere tum cyathorum aquæ diebus singulis potandæ numerum , tum dierum quos valetudini per aquas curandæ opus erit impendere. Utamque autem , nempe & aquæ & temporis quantitatem habità mórbi , ætatis imprimisque virium ratione prudens Medicus determinabit. Sed à præscripto discedere grande piaculum ; cum enim cæteris in rebus tum vel maximè in curandâ valetudine nocere nihil magis solet quàm si modum nescias , & solemne illud *quatenus* non observes.

V.

QUAS virtutes Borboniensibus Thermis indidit natura ; eæ , mihi crede , nec unæ sunt , nec aliis quibuscumque aquis sunt cessuræ.

Recole tantisper animo innumera illa quæ ad sanitatem restituendam, ex immenso phisices regno, deprompta sunt præsidia; nullum occurret his aquis ad affectus illos chronicos qui ab humorum concretionem nascuntur profligandos valentius, robustius nullum. Cedant Ther-
 mis ipsa specifica: Quid enim, quæso, Mercurius? Quid cortex Peruvianus? Quid radix Brasilensis? Quid cætera jam toties decantata quasi magni in re medicâ nominis remedia? Valent illa quidem ad certos quosdam peculiare & determinatos affectus: at thermale aquæ, sin minus totam chronicorum morborum sobolem, certè maximam eorum partem extirpare natæ sunt. Ipsa me pagina deficiet, si velim ire per singula; liceat ex sexcentis pauca delibare.

Agmen ducat Apoplexia, quæ licet acutissimus sit affectus, chronicorum tamen catervâ stipatur. Terribilis planè morbus, atque haud scio an illo quidquam terribilius habeat mors, quam Aristoteles dicebat esse omnium terribilium terribilissimum. Insensibilis sanè hujusce affectus mors est pedissequa ac vulgò comes individua: vivat tamen adhuc qui fuerit ictus apoplexia; etenim

Non aliter stupuit quàm qui Jovis ignibus ictus,

Vivit & est vita nescius ipse sua.

Vivat igitur, imò & suæ vivat conscius vitæ: At cujus vitæ? ejus scilicet quæ vix illi det & vegetare cum plantis propter marcorem, & sentire cum brutis propter paralyfin residuam, & discurrere cum hominibus propter aphoniam, balbutiem, subitamque memoriæ debilitatem aut jacturam: uno verbo ejus vitæ quam propter

imminentem singulis momentis apoplexiæ redditum mors insidiatrix suâ falce brevî præcidet. Ita miseris mortalibus sternitur, ut inopina, sic certa lethi via! sed quâ arte potest illa præcludi? methodico & tempestivo thermarum usu; sic enim & vertigines, certi apoplexiæ prodromi avertuntur: sic ejusdem affectus paroxysmi præoccupantur: sic paralytis post apoplexiam residua tollitur: sic demùm illa pestis, quâ nulla capitalior, illa vitæ nostræ impugnatrice certò & feliciter expugnatur. Nec mireris; cum enim apoplexia (idémque esto judicium cum certâ quâdam proportionem de reliquis soporosis affectibus) cum inquam, apoplexia suum ortum sæpè debeat vel sanguini crassiori, vel humoribus viscidis ac tenacibus qui in substantiâ cerebri propter lentum in ejus vasis circuitum sensim cumulati ac stagnantes obstruunt corticales glandulas, atque ita spirituum animalium sequestrationem ac distributionem impediunt; nemo inficias ibit aquas Borbonienses meritò dici, & de facto esse antiapoplecticas, ut quæ talem massæ sanguineæ diathesim emendent, humoresque à pestifero illo coagulo præservent; hoc enim utrumque præstitisse, est amovisse apoplexiæ causam.

Paralytin ab Apoplexiâ, cui sæpè supervenit ne separemus; suum quoque in Thermis Borboniensibus habent paralytici remedium, sive paralytis perfectâ sit, sive imperfectâ; idque ex quâcumque causâ resolutio hujusmodi contigerit. An à sanguine lento, viscoso & pariendis obstructionibus idoneo? à quo scilicet cum vel debiliores vel minori quam par est copiâ generentur spiritus ad motus perficiendos necessarii,

reliquum est ut partes nerveæ, motus ac sensus organa, laxentur. At quid aquis istis ad tollendam hanc primam paralyseos causam præsentius? Cum valeant mirum in modum, tum ad crassiorem sanguinem attenuandum, tum ad conciliandam illi liquiditatem. An verò contigit paralytis à serosis humoribus qui nervorum ac musculorum fibras ita inebriant, obstruunt ac comprimunt, ut partes irradiare nequeant spiritus, quorum inopiâ aut defectu motus sensusque, aut omnino perit, aut minuitur; ad hanc alteram resolutionis nervorum sive paralyseos causam amovendam, quid aquis Thermalibus efficacius? quibus ut datum est tenuissimis ac penetrantibus constare principiis: Ita pronum est humores intra fibras nerveas musculosque impactos, & hærentes liquefacere, succis suum fluorem reddere, fibrarum tonum reparare. Adde paresin torporem, stuporem, illos heu nimium fidos paralytis prænuncios! Adde convulsionem seu contractionem aut spasmodum tam universalem quàm particularem, putâ cynicum, strabismum, trismum. Adde convulsiones epilepticas à crassis heterogeneis irritantibusque humoribus oriundas. Adversus hæc omnia præstò sunt aquæ Borbonienses, vel eo nomine quod humoribus hisce incidendis, aut attenuandis & eliminandis sint pares. Quid loquar cephalalgiam & cephalæam, quæ cum vel à causâ (ut amant loqui) frigidâ producat, vel ab humore nonnihil viscido qui in certâ quâdam capitis parte coacervatus crudeliter solet desævire; non potest non sublevari ab aquarum Borboniensium potu, dum suas illæ vires exerunt ad materiam doloris inustivam attenuen-

dam. Quid etiam loquar oculorum atque aurium affectus, qui ab optidorum & acoustidorum nervorum infarctu solent proficisci? Quid denique scrophulas, quas nemo nescit deberi tali cuidam acido fixo quod in massa sanguinea primum collectum tum in variis, sed maxime colli glandulis depositum lympham tandem inibi figit purulentam; illud verò sal negaverit nemo ab his aquis facile discuti, quippe quæ sunt inter se dissolventia palmares. Porro illud te esse admonitum volo, qui capitis affectu laboras, ut privatis in ædibus, nullatenus in ipsis thermis balneo utaris; Thermæ enim præ nimio æstu & vaporibus quos exhalant, caput graviter solent afficere.

Jam si à superiori corporis humani parte ad mediam descendamus, videtur contra thoracis affectus non tam latè patere aquarum istarum imperium. Verum tam in asthmate quod à glutinosis succis putri materiâ pulmonum vesiculas infarciuntibus procreatur, quam in palpitacione cordis quæ crassi viscidique sanguinis effectus est, virtus quam aquæ Borbonienses habent incidendi & attenuandi demonstrat illas propè esse singulares.

Quidquid sit de thoracis affectibus, quàm felicem facilèmq; præstant operam aquæ thermæ tum stomacho, tum inferiori ventri laboranti? Peccat fortè chylosis, infelix illa tot chronicorum affectuum parens & artifex? aquis istis corrigitur. Debilitatur fortè ventriculus pravis succis in eo stagnantibus, vomitum provocantibus, prosternentibus appetitum? aquarum potu stomachus roboratur, vomitus sistitur, appetitus recreatur. An ventriculi cru-

ditatem vitiosa humorum crasis induxit? abducet thermarum usus. An laborat alvus segni pigritie? thermalis aqua fugabit eam, simulque communem morborum fomitem cacochymiam extinguet, partim detergendis atque eliminandis superfluis crassis ac vitiosis succis, partim suum massæ sanguineæ circuitum restituendo. Quis opem ferat Ægro dolores colicos eosque inveteratos jam dudum patienti? qui thermales aquas illi porrexerit; quippè sic serosos, biliosos & mucosos humores, intra intestina plus æquo commorantes sensiles eorum membranas plexusque mesenterii acrius vellicantes avertit. Quis tam ferus ac ferreus qui has easdem aquas aut deneget, aut non consulat mulieri ad dolores difficili menstruorum eruptioni prævios sublevandos? si cogitet id quod res est, nempe germanam hujus morbi causam in obstructionibus sitam, repetitis illarum aquarum haustibus evacuari. Quis hominem nephritidi laborantem deferat? dum remedium adest tam parabile, quam parabilis est aqua thermalis. At hic mesenterii; iste intestinorum; ille pancreatis; alius splenis, alter hepatis obstructionibus dolet: omnibus idem esto remedium unum & idem, thermarum usus; cum adversus hæc omnia mirifice valeant, adeoque possint illarum partium scirrhus, viscerumque tumores antevertere.

Quid? Quod vitiatorum humorum stasim feliciter tollant; albo fluori à cruoris visciditate vasorumque uteri obstructionibus ac proinde fecunditati (si sterilitatis causa hæc fuerit) promovendæ mirè prosunt: menstruorum suppressioni ac chlorosi certissime medentur; enim

verò pro virtute quam habent resolvendi, aperiendi & evacuandi, non possunt satis commendari adversus illos affectus quibus sanguis crassus & lentus dedit ortum; quia non aliter quam per attenuantia & evacuantia solvuntur. Quid etiam quod certissimum afferant interitum cuilibet Lumbricorum speciei (nequidem fasciatis exceptis) propterea quod ovulorum exclusionem impediant expurgentque tum verminosa semina, tum humores tali exclusioni faventes. Præterea dissolvunt atque educunt serum viscidum acidumque quo mesenterii nervis obsessis, & irritatis producuntur motus convulsivi qui vulgò hysterici nuncupantur. Ictero profunt quia succis illis lentis à quibus nascitur, fluiditatem addunt, suisque illos colatoriis discernendos, & excernendos præparant, materiam tandem viscidam tartaream atque culculosam, sive incisam, sive expulsam, affectibus renum, ureterum & vesicæ medentur, mirum etiam in modum conducunt in lumbagine.

Sed quid singulis recensendis immoramur ad evincendam aquarum thermalium contra chronicos morbos efficaciam? sufficiat hoc dixisse unum, nempe in Rheumaticis ischiadicisque doloribus curationem his aquis totam expleri atque consummari, cujus rei ratio est quod dolores illos pariat omnes una eademque causa, nempe humor serosus salinus, qui per totum corpus vel quasdam dumtaxat corporis partes, puta per musculorum membranas, easque quæ articulis adjacent, aut per humeros, brachia, femora, &c. propter prohibitam plerumque transpirationem defluit, & ibidem immorans, non sine atrocissimo sæpè doloris sensu partium,

fibras membranâsve musculorum & articulationum vellicat, pungit & lancinat. Nulla autem certior ad curandum vel saltem sublevandum morbum, nulla compendiosior via est quàm balnei & stillicidii usus; quo fit ut referatis poris humor solvatur sudoribus, & copiosa transpiratione quasi effracto carcere ac ruptis repagulis feliciter avolet. Cave tamen ne cretaceam vel gypseam humor naturam induerit: unde tophi, aliâque arthritidis symptomata quæ nullâ arte possunt resolvi juxta axioma,

Tollere nodosam nescit medicina prodagram.

Nimirum mucilago acida (hæc enim arthritidis causa statuitur) ubi altas egit radices, & circa juncturas, tendines ac periostium ipsum fuit infixæ; ibi quandoque ita concrevit, ut nullis veniat discutienda remediis, multò minùs calidis, quales sunt aquæ Borbonienses; ab his enim induresceret talis mucilago potius quàm dissolveretur.

Procul igitur à Thermis Boboniensibus quotquot arthritide laborant; Procul ab iis febricitantes, hydropici, hæmoptyci, phthisici, dysenterici; Procul tandem ii quibus inflammatis visceris adest suspicio.

At si salubres istis esse non possint; quot & quantis aliis utilitatibus unam aut alteram quæ deest illis virtutem compensant! An nimiam opponis corpulentiam? Succos nutritios, si fuerint crassiores, attenuant; aut si superflui, foras eliminant: Sic enim obesum corpus minuunt. An objicis atrophiam particularem? Illam ita corrigunt, ut debita succi nutritii distributio fiat in singulas partes, neque hanc humorum tenacitas impedire jam valeat. An

obtrudis partes debilitatas & ictu vel casu relaxatas? Eas mirificè roborant Thermæ. Mitto ossium fracturas, tumores frigidos reliquis antea remediis indomitos, concretiones inveteratas, aliosque callosos tumores: Mitto ulcèra externa his aquis deterfa & consolidata: cutem à scabie, impetigine, lichene mundatam, aliosque hujusmodi affectus quos generant vitiosi succi cuticulæ inhærentes, eamque etiam transpiratione impeditâ frædè exulcerantes. Mitto denique adjaqueustiam tot morborum causam medicatis hisce aquis expulsam: redonatum fibris suum elatorem, suum liquidis motum ad circulationem peragendam restitutum, hæc & alia hujus generis sexcenta prætermitto, utpotè minùs ad hujus veritatis assertionem necessaria, præsertim post edita quotannis exempla in multitudine illâ Aegrorum propè incredibili, quibus aquæ Borbonienses non tantum quasi lethæa pocula morborum oblivionem induxèrè, verum etiam quasi nectarea valetudinem redonarunt, valentissimis quibusque mortalibus invidendam.

Ergo plerisque morbis chronicis. Aqua Thermæ Borbonienses in Campania.